

Bosna i Hercegovina
Federacija Bosne i Hercegovine
TUZLANSKI KANTON
Ministarstvo finansija

Broj: 07/1-11-7650/20
Datum: 06.04.2020. godine

Na osnovu člana 70. stav 1., 3. i 6. Zakona o javnim nabavkama („Sl. glasnik BiH“, br. 39/14), a po provedenom pregovaračkom postupku bez objave obavještenja u skladu sa čl. članom 21. stav (1) tačka c) Zakona o javnim nabavkama („Sl. glasnik BiH“, br. 39/14) te na osnovu Zapisnika Komisije o pregledu i ocjeni konačnih ponuda broj: 07/1-11-6087-12/20 od 30.03.2020, Ministar finansija, donosi:

**ODLUKU
o izboru najpovoljnijeg ponuđača**

Član 1.

Prihvata se preporuka Komisije za javnu nabavku te se ugovor za nabavku usluga Nadogradnje Informacionog Sistema Finansijskog Upravljanja za Ministarstvo finansija Tuzlanskog kantona, sa verzije Oracle EBS 11.5.10.2. na aktuelnu verziju Oracle ERP and Procurement Cloud dodjeljuje ponuđaču „ORACLE BH“ d.o.o. Sarajevo, čija konačna ponuda iznosi 1.146.137,62 KM bez PDV-a odnosno 1.340.981,02 KM sa PDV-om.

Član 2.

Ova odluka se dostavlja ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa (www.vladatk.gov.ba) istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke usluga Nadogradnje Informacionog Sistema Finansijskog Upravljanja za Ministarstvo finansija Tuzlanskog kantona, sa verzije Oracle EBS 11.5.10.2. na aktuelnu verziju Oracle ERP and Procurement Cloud pokrenut je Odlukom o pokretanju postupka nabavke broj: 07/1-11-3307/20 od 14.02.2020. godine.

Nabavka je provedena putem pregovaračkog postupka bez objave obavještenja o nabavci shodno članu 28. Zakona o Javnim nabavkama („Službeni glasnik Bosne i Hercegovine“, broj: 39/14) u vezi sa članom 21. stav (1) tačka c) istog Zakona.

Procijenjena vrijednost javne nabavke bila je 1.146.825,00 KM (bez PDV-a).

Postupak nabavke provela je Komisija za nabavke imenovana rješenjem broj: 07/1-11-6087/20 od 17.02.2020. godine.

Po utvrđivanju kvalificiranosti ponuđača i dostavljenoj inicijalnoj ponudi u skladu sa tenderskom dokumentacijom, Komisija je obavila pregovore sa ponuđačem. Po obavljenim pregovorima, ponuđač je dostavio konačnu ponudu za nabavku predmetnih usluga.

U toku postupka javne nabavke Komisija je zaprimila pristiglu konačnu ponudu, izvršila njeno otvaranje, pregled i ocjenu prema kriterijima iz tenderske dokumentacije.

U postupku javne nabavke utvrđeno je sljedeće:

- ukupan broj pristiglih konačnih ponuda je 1(jedna)
- blagovremeno je zaprimljena 1(jedna) ponuda
- nije bilo neblagovremenih ponuda
- nije bilo neprihvatljivih ponuda.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te pregled i ocjenu prispjelih početnih i konačnih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

S obzirom da je kriterij za dodjelu ugovora bio najniža cijena, da se radi o nabavci putem pregovaračkog postupka bez objave obavještenja o nabavci gdje su se pregovori vodili sa jednim ponuđačem te je shodno tome dostavljena jedna ponuda koja je ujedno i prihvatljiva i ispunjava sve uslove i zahtjeve predviđene tenderskom dokumentacijom za predmetnu nabavku, odlučeno je kao u dispozitivu ove odluke.


POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu u dovoljnom broju primjeraka, a koji ne može biti manji od tri u roku od 10 (deset) dana od dana prijema ove odluke.

DOSTAVLJENO:

1x "ORACLE BH" d.o.o. Sarajevo

1x a/a


MINISTAR
Suad Mustajbašić, dipl.ecc.